

Хальмг АССР-н Деед Советд

сунъгъх өдр уктдж



Узмджтә хөөчин бригад

„Приозерный“ совхозин негдгч фермд, нәәдир хөбнә отарин бригадир болдж Көкин Хаалгъ хөбнә ард дахад, хөн малиг ягъдж асрдж, хәләхинь медчкн кун. Алтайин теегәс хальмг газрун нуудж ирн, Хаалгъ хөбнд көдләд, тус күргхән медәд, отар хө авсмн. Энүнә хойргчнь болдж 66 наста, уснднь буурл орад бәәсн, болв хара суудж чадго, Ходжгъра Мутла көдлджәнә.

Талдандан болхла, Мутла пенс авчкад, кевтдж чадхмн, болв эврә теегтән амрхар ирсн угавдн, мал-гер өскәд, танъгъчин элл-ахуг өбрхн цагин зуур өбдлүлхмн гигъад санчкн кун.

Эднә бас нөкднь, хуурмгзалху уга, кесн көдлмшән узмджтәгъяр кучәдг, сансан кумдг Сумьяна Коля.

Эн бригадин көдлмшин ашинь авад хәләхлә, 1957 джил нооснәнн зурагъан кучәсн деерән, намрлад хургъд экәсн салгъхд 100 хөн болгънас 115 эрүл-менд, таргън-цадхлнъ

хургъд өгсмн. 1958 джил хөбдтнъ гару уга деерән, 100 хөн болгънас 125 хургъ авад. ода салгъх деер таргън-цадхлнъгар өгсн бәәнә.

Хөбнәнн увлзнгән сентябрь сарин 1-д ясх ясвә дуусад, шалдад, цагъалгъад, дотркинь арчад белдчкв. Эн көдлмшиг талин дөнъ угавд, бийсәри совхозд түрун болдж кучәсн бригад.

Эн бригадин хань хоорндан дегд ни, негнәнн эс медсиг негнъ заадг, хәләджәх малдан унн седклән өгсн улс Учр тиим деерәс, джиләс джил болгън хургъдан тоогъинь икдүләд, малан таргън-цадхлнъгар хадгълад, ик ноос авдг бригад. Эндр өдр эн бригад эврәнн чидләрн, Хальмг республикин Деед Советин сунъгъвриг уктад, 80 тонн өвс увлзнгдән зөбчкн бәәнә.

Хөбнә цуг бригадс Көкин Хаалгъин бригадас үлгүр авч, хальмг теегиг торгън нөсә, шимтә махта хөбдәр дуургий.

САНДЖИН Эренджн.